



Broj: 05-45-2137/21
Travnik, 26.03.2021.g.

Shodno članu 8. Zakona o vladinim i ministarskim i drugim imenovanjima Federacije Bosne i Hercegovine (Službene novine F. BiH, broj 12/03), člana 12. Odluke o osnivanju Službe za zapošljavanje Srednjobosanskog kantona (Službene novine SBK, broj: 2/02, 02/04, 15/12, 12/15 i 7/16), a u postupku imenovanja odnosno nominiranja na poziciju Upravnog odbora u Službi za zapošljavanje SBK, kantonalni ministar privrede objavljuje

OGLAS
ZA IMENOVANJE I NOMINIRANJE NA POZICIJE U UPRAVNOM ODBORU SLUŽBE ZA
ZAPOŠLJAVANJE SREDNJOBOSANSKOG KANTONA

I

Za Upravni odbor Službe za zapošljavanje nominuje se ukupno 5 članova od čega:

- ispred osnivača 4 člana,
- ispred službenika Službe za zapošljavanje 1 član

II

Opis pozicije članova Upravnog odbora:

Zajedno sa ostalim članovima i uz konsultacije sa kantonalnim Ministarstvom privrede: donosi Statut i druga opća akta Službe za zapošljavanje, imenuje i razrješava direktora i zamjenika direktora, donosi godišnji program rada, donosi finansijski plan, prihvata godišnji obračun i izvještaj o radu, donosi opće akte, brine se o obezbjeđenju sredstava za izvršenje obaveza, upravlja sredstvima i odlučuje o njihovom korištenju, odlučuje o imovini i odlučuje i o drugim obavezama shodno zakonu.

Mandat članova Upravnog odbora je četiri (4) godine sa mogućnošću ponovnog imenovanja bez ograničenja.

Konačno imenovane osobe ostvarivat će pravo na naknadu za rad u Upravnom odboru prema uslovima utvrđenim u Odluci Vlade Srednjobosanskog kantona.

Naknada za rad u Upravnom odboru se plaća iz sredstava Službe za zapošljavanje.

III

Prilikom procjene kvalifikacija i iskustava svih kandidata uzet će se u obzir i slijedeće:

- sposobnost za savjesno, odlučno i odgovorno obavljanje upražnjene pozicije,
- sposobnost nepristranog donošenja odluke,
- komunikacijske i organizacione sposobnosti,
- sposobnost upravljanja finansijskim i ljudskim resursima i naklonjenost timskom radu,
- rezultati rada ostvareni tokom karijere

Pored navedenih kriterija svaki kandidat treba ispunjavati slijedeće opće uslove:

- da je stariji od 18 godina,

- da nije otpušten iz državne službe kao rezultat disciplinske mjere na bilo kojem nivou u BiH (bilo na nivou države, entiteta, kantona i općine) u periodu od 3 (tri) godine prije dana objavljivanja upražnjene pozicije,
 - da se na njega ne odnosi član IX.1. Ustava Bosne i Hercegovine,
 - da nije na funkciji u političkoj stranci,
 - da nije osuđivan za krivično djelo nespojivo sa dužnošću u Upravnom odboru 5 (pet) godina od dana pravosnažnosti presude, isključujući vrijeme zatvorske kazne,
 - da nije osoba kojoj je presudom suda zabranjeno obavljanje aktivnosti u upravnom odboru,
 - da nije direktor ili zamjenik direktora Službe za zapošljavanje,
 - da nije stariji od 65. godina na dan imenovanja,
 - da nije član u više od 2 (dva) upravna odbora,
 - da nije izabrani dužnosnik, nosilac izvršnih funkcija ili savjetnik u smislu Zakona o sukobima interesa u institucijama vlasti BiH (Službene novine F BiH, broj 25/02,44/03 i 48/08).
- Osim općih uslova, kandidati moraju ispunjavati i slijedeće posebne uslove:
- a) Za predsjednika Upravnog odbora:
 - Visoka ili viša stručna sprema sa minimalno (5) pet godina radnog iskustva u struci i zanimanju iz okvira djelatnosti Službe,
 - Poznavanje sadržaja i načina rada organa upravljanja Službe za zapošljavanje
 - b) Za članove Upravnog odbora:
 - Visoka ili viša školska sprema sa minimalno 3 (tri) godine radnog iskustva u struci i zanimanjima iz oblasti ove službe,
 - Poznavanje sadržaja i načina rada organa upravljanja Službe za zapošljavanje.

IV

Podnosioci prijave s kojima se ne stupi u kontakt u roku od 10 (deset) dana od dana isteka roka za podnošenje prijave neće biti uzeti u daljem procesu kandidiranja.

Svi kandidati koji budu stavljeni na listu sa užim izborom, bit će pozvani na intervju. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci se mogu dobiti u sjedištu ministarstva privrede u Travniku.

Sve informacije u toku postupka kandidiranja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka (Službeni glasnik BiH, broj 49/06 i 89/11).

Komisija za izbor dužna je, nakon izvršenog intervjua sa prijavljenim kandidatima, putem pismene preporuke, predložiti rang listu sa najboljim kandidatima resornom ministru na postupak shodno članu 10. Zakona o ministarskim, vladinim i drugim imenovanjima F BiH, a konačno imenovanje predsjednika i članova Upravnog odbora, izvršit će Vlada SBK. Konačna imenovanja na upražnjene pozicije javno će se objaviti.

V

Bilo koji kandidat ili bilo koja druga osoba - član javnosti, slobodan je podnijeti prigovor na konačno imenovanje ako vjeruje da u procesu imenovanja nisu poštovani principi utvrđeni Zakonom o vladinim, ministarskim i drugim imenovanjima Federacije Bosne i Hercegovine. Prigovor se podnosi istovremeno kantonalnom ministru i Ombudsmenu F BiH.

VI

Prijava kandidata treba da sadrži: kraću biografiju uz naznaku da li se prijavljuje za poziciju predsjednika ili člana upravnog odbora, te da li se prijavljuje ispred osnivača ili službenika Službe za zapošljavanje, adresu i kontakt telefon. Uz prijavu kandidati trebaju dostaviti: kopije dokaza iz tačke III Oglasa, a kandidati koji budu pozvani na intervju, dužni su dostaviti ovjerene kopije traženih dokumenata.

VII

Oglas će biti objavljen u dnevnom listu «Oslobođenje» i u Službenim novinama F BiH, kao i na web stranici Vlade Srednjobosanskog kantona. Oglas ostaje otvoren **15 (petnaest) dana** od dana posljednjeg javnog objavljivanja ovog oglasa.

Prijave sa svim traženim dokumentima treba predati na protokol Srednjobosanskog kantona ili poštom preporučeno, sa naznakom „**prijava na oglas za Upravni odbor Službe za zapošljavanje SBK - ne otvarati**“ na adresu Ministarstvo privrede Srednjobosanskog kantona, Stanična 43, 72270 Travnik.

Neblagovremene i nepotpune prijave neće biti razmatrane.

MINISTAR

Nisvet Hrnjić